



kat.komp.

21400

III

Mag. St. Dr.

P

*Thucydidi fram. Hieronymus: Phoenix in cineribus suis
virtutis, sapientiae et meritorum ope resurgens.*

PANEG. et VITAE

Polon. Fol.

Nº 835.

PHÆNIX

IN CINERIBVS SVIS

Virtutis, Sapientiæ, & Meritorum ope,

REDIVIVUS.

Perillustis, Clarissimus, & Admodum Reverendus Dominus,

M. GREGORIUS
OCHABOWICZ,

Sacrae Theologiæ & Iuris Vtriusq;

DOCTOR ROMANVS,

Ecclesiæ Collegiatae S. ANNÆ Cracoviensis,

PRÆPOSITVS,

Inter Parentales Exequias,

Præsente numerosâ Ordinû Academicorû Coronâ,

Pijs ejus Manibus,

In Sacris D. ANNÆ Ædibus,

EXSOLUTAS.

P E R

M. FRANCISCVM HIERONYMV M PLVCINSKI,

Philosophiæ Doctorem, & in Collegio Novoduorfciano

Rhetoricæ Professore.

Lugubri Eloquio

ADUMBRATUS.

Anno Phænicis igne amoris exusti, & à mortuis Redivivi, 1711.

Die 17. Martij.

CRACOVIAE,

Typis Francisci Cezary, S. R. M. Illustriss. & Reverendiss. Domini Epi-
scopi Crac. Ducis Severiæ, necnon Schol. Novodu. Ordinarij Typogr.



7. XII. 16. 2.

21.400

III.



PHÆNIX
IN CINERIBVS SVIS
REDIVIVVS.

Breve nimis Vitæ præsentis agimus momentum;
Ædilis Libitinæ falx,
nimium citò ferale nobis erigit monumentum.
Et si ad summam ætatem pervixerimus, & grandævos Nestores
tàm canis, quàm annis vicerimus.

Adhuc exiguum temporis spatium est.
Mille Anni, sunt unus dies ad æternitatem.
Hic mortalis, est immortalis,
In Orbe, nunquàm Vitâ orbus,
In diebus suis, nesciens Mortis noctem,
Verus Phænix, in suis etiam Cineribus redivivus.

Quem
Virtus, Sapientia, & Merita, perenni Vitâ donârunt;
cui nec invida Atropos invidet.

Exanimatos Augustos, Macedones, Annibales,
quid aliud? si non fama gestorum hucusq; animat.

Marones, & Stagyritas,
callens Scientias eorum animus,
etiam sub frigido marmore,
vetat mori.

Numæ Pompilio, pro effusa in Divorum Aras pietate,

Numina ipsa

Privilegium contulerunt immortalitatis.

Nec



Nec Tu obijsti, cū ē Vivis excessisti;

Perillustris, Clarissime, & Admodum Reverende Domine,

M. GREGORI OCHABOWICZ.

Sacrae Theologiae, & Iuris Vtriusq; DOCTOR ROMANE,

Ecclesiae Collegiatae S ANNÆ PRÆPOSITE.

Phœnix es in Tuis Cineribus redivivus.

Nam

Si hunc magnum corpore, felix Arabia toties vidit;

Te, Virtute, Doctrinā, meritisq; maximum,

Noster Septemtrio Sarmaticus mirabatur.

In Submontanae Orae Regia Civitate Robczycensi,
natus es.

Vt Phœnices, arbuta, humilesq; mirycas fastidientes, & in
montium jugis, excelsas Libanos Cedrosq; amantes, imitareris.

Vnde

In nidum Scientiarum Lechicum Athæneum advolasti.

Iuvenis tredecim Annorum,

sed jam Virtute annosus.

Nihil enim in Te Cracia Pallas tum iuvenile vidit.

præter annos.

Phœnix solus Avium, nec cibo, nec potu alitur;

Tu tamen fontes amasti;

sed Castallios,

ad quos Pegaseo velabas cursu,

Ductore & Doctore,

Clarissimo, & Excellentissimo Domino

M. MARTINO RADYMINSKI,

Philosophiae Doctore, Collega Majore, Regio Professore.

Vero tunc Heliconis Academici Apolline,

Felix Discipulus tanto Præceptore,

Felicior Præceptor tanto Discipulo.

Vidit egregias Tuas dotes,

animum omnis boni capacissimum,

ille eruditarum mentium Ocellus, & ingeniorum maximus æstimator

Clarissi-

Clarissimus, & Excellentissimus Dominus,
M. IOANNES TONSKI,
Philosophiæ, & Medicinæ DOCTOR, Almæ Vniuersitatis
Cracoviensis PROCANCELLARIUS.
Æsculapius GEMBICIANVS.
ideòq; Tuum eruditum Caput,
Phæbea Lauri coronavit:

Præsente

Celsissimo Principe, Illustrissimo, & Reverendissimo Domino,
D. PETRO GEMBICKI,
PRÆSVLE Cracoviensi, DVCE Severiæ,
Alijsq; Magnis Nominibus assistentibus,
Meruit nempe tua Doctrina radians, tot spectantibus,
Poli Sarmatici Illustrissimis Syderibus,
in publica luce videri
Coronata.

Redimitus Corollâ ipsius Minervæ manu contextâ;
Verus Tu jam Phœnix,
(qui non secus ac Rex in vertice Stephanoma gestat:)
involaſti Magnis nostri Sarmatici Orbis Heroibus,
in intimos cordium recessus.

Adamavit maximè Tuas Virtutes,
Illustrissimus, & Excellentissimus Dominus,
D. MICHAEL de Zebrzydowice
ZEBRZYDOWSKI,
PALATINVS CRACOVIENSIS,
Ideòq; Te

cum Illuſtri, & Magnifico Domino,
D. ANDREA WIZEMBERG,
Magnæ tunc ſpei & expectationis iuvene,
ad exteras miſerat Regiones,
Vt Tuæ probitates, etiam à Peregrino Syrmate viderentur;
Evolafſti ex Patrij Soli nido, ad exoticum Solem;
non ut ab eo excoquereris:
qui nihil imperfectum in Te habuiſti,
ſed ut oſtenderes gelidum Septemtrionis Orbem,
Virtutum, & Sapientiæ igne calere.

Peragra-

Peragrafti

Vratislaviam, Pragam, Lovanium, Bruxellas, Parisios,
Venetias, Patavium, Viennam,
aliasq; multas Regnorum Vrbes amplissimas,
per triennium visitasti;

Vidit Te Sorbona Theosophorum, & invidit;

Nam ubivis terrarum Teipso probâsti,
Sarmaticum Septentrionem, non talpas, aut cæcas noctuas proferre,
sed genuinos Aquilæ Polonæ pullos,
Vno Patrio Phæbô non contentos.

In Septicollem demum venisti Urbem;
in qua

Aquinatis gerens animû, & maturo consilio, ipsum etiam Consum vincens,
& Theologicâ, & Iuris Vtriusq; Lauru coronatus,
ad Patria arva properâsti.

Vbi Magnorum Virorum Te affectus excepere.

Nec mirum,

Phænix enim quocunq; se verterit, ubiq; ingentium volucrum
comitatu stipatur.

Lassatus itinere longo, quievisti,
sed in Faventissimis Tibi Pectoribus,

Perillustis, & Reverendissimi Domini,

D. M. ANDRÆ KVCHARSKI,
Sacrae Theologiae Doct. & Profess. Collegæ Majoris, Canonici Crac. &c.



Perillustis, & Reverendissimi Domini,

D. M. STANISLAVRKOWSKI,
Sacrae Theologiae Doctoris, & Professoris, Praepositi S. FLORIANI,
& Universitatis Procancellarij.

qui Te Gregorium Magnum Doctorem,
Doctorem Collegijs,

ceu gemmam pretiosæ Conchæ inseruerunt.

Minori Collegio primò, post Majori,

Ut in dies crescens tua Virtus & Doctrina, gradibus quoq; certis iret ad honores,

Multum tunc gavisæ est Cracia Pallas,

cum in docto Gregorij animo, Stoam & Peripathum invenit,

De ore Herculis aureos quondam fluxisse compedes,

Mithyologia comperta est;

Verius in Gregorij nostri Suada, Atticâ Hyblâ dulciori

Pallas Iagellonica dulcia observavit vincula,
quibus & ex sacro suggestu, & ex Academicis Exedris,
humana ille catenabat pectora,

Quid dicam de lyncea illius pupilla?
quâ demersa in Eurippo Aristotelico Philosophiæ arcana,
toties lustravit, & illustravit.

Non cum eo plausu,
Ad Lechicum diadema, nudipes quondam Lescus H. cucurrit;
cum quo

Gregorius Doctor eximius, Cursum Philosophicum in Via Thomistica,
non tantum absolvit, sed & iteravit.

Ex quo, quoties disputabat,
Toties eum Intelligentiam, vel ipsum Doctorem Angelicum putabant,
dum difficultatum abdita primo intuitu videret.

& felicius Macedone, Gordios perplexitatum nodos solveret.

Tam benè stantem, videns Stoa Peripatetica,
Eum purpuratum Sophorum Antistitem, non semel, sed bis voluit habere.

In Decanali hoc Ostro rubuit non erubuit,
qui nihil unquam egit dignum rubore.
Tam præcellentem doctrinam, & Herculeis majores labores illius.

Vterioribus præmijs coronasset,
Sincera laborum, & meritum præmiatrix,

Alma Vniversitas.

Ni hunc devotum Mystam,
Divinior Tritonia, Mettertia ANNA,
in obsequium suum invitasset,

In Cujus Collegiata,
Centoculo Vigilantiorem Argô, triginta annis, agens PRÆPOSITVM,
verè aliorum exemplo præponendum,
quid egerit? quas Gratias in domo Gratiarum deposuerit?
quæ pietatis monumenta reliquerit?

Stupeat Orbis, & similia opera, alij operentur.

Bonus Pastor,

Vt & post fata, in suo Ovili,
cum IOANNE Baptisum Pænitiæ non desineret prædicare;
Quatuor Pænitentiarios, opimè & optime fundavit,
Mansionesq; eis ære proprio comparavit.

Mariani honoris, & illius purissimæ sine labe originali Conceptionis,
sicut in vita zelosissimus fuit Assertor, ita & post mortem esse voluit.
cùm pro Cursu B. MARIÆ Virginis ferialibus diebus, & pro Officio
de Immaculata illius Conceptione, festivis & Dominicis diebus,
semper decantando, notabilem summam legavit.

Fundatio.

Foundationem pro prima Missa, collapsam erexit, & non
contractâ sed effusissimâ manu fulsit.

Capellano Confraternitatis S. ANNÆ, & mansionem, & annum
sufficientissimum Censum designavit.

Progredere ulterius penna;

cùm necdum Numæ istius pietatis in Numina finis est,
quando hic Pompilius in pompam Ecclesiæ DEI effusissimæ liberalitatī
suæ, necdum metam imposuit.

Illi debet,

Angelorum Colonia, Cœlum terre, verè basilico opere exstructa,
Majestuose Divæ ANNÆ Basilica,

quam ne tempus edax rerum, & invidiosa vetustas, dentibus
ævi aliquando destruat,

Ære suo pijsimo cavit,

pro conservatione tam exultissimi Operis,

aliquot millia liberali dextrâ offerendo.

Et ut se Phœnicem, dulce Melos DEO occinentem probaret,

Muscam penes eandem Ecclesiam fundavit.

Cum Orpheis & Amphionibus, & ipsa Organa illius ære erigenda,

non alienam liberalitatem,

tantum istius effusissimi in decorem Domus DEI PRÆLATI,

Vocali Sono & Sonoris vocibus, longè latèq; resonabunt.

Nec Musarum oblitus est hic Apollo,

Studiosis Scholæ S. ANNÆ, cantantibus in Choro, festivis diebus,
certum subsidium providendo.

Namquàm potuit esse magis dives Gregorius, quàm cum opes sic DEO erogavit.

Melius enim non amittitur peculium, quàm cum in dotem Sponsæ

CHRISTI convertitur.

Benè succedere illi terrestria bona;

quibus Cœlestia est sibi mercatus.

Beatum peculium; quo DEVM fecit sibi amicum, imò debitorem.

Ab illo in fanore, æternæ gloriæ diadema recipiens.

Vere Gregorius Phœnix.

Nam

Sicut hic rogam, quem sepulchri loco est habiturus, Cinamomis,
furculis casia, nardi aristis, balsamo, myrrhaq; replet.

Ita Gregorius Domum S. ANNÆ rogam suum,

tot liberalissimis exornavit beneficijs.

Et in ipsa morte imitatus Phœnicem.

cùm postridiè Purificationis Marianæ, purificatus mente & corpore
Sacramentisq; refectus, inter

Inter flagrantissimos & fragrantissimos Divini Amoris ignes exarserit,
Octuaginta quatuor annos vixit.

Dignus ut ipsas seculorum Myriades explevisset.

Nisi cum Coelum nobis invidisset.

Nihilominus lacrymabundæ Castalides,

Magni hujus fata non flete Orphei.

Phænix ille est,

etiam de Cineribus busti sui resurgens.

Cui pietas in Superos, parturijs annos,

Nullo fatorum interstizio destitutos.

Viuit ille & in amicis cordibus Vestris,

Dignissimi ultimæ illius voluntatis Præstites.

Perillustris, & Admodum Reverende Domine,

M. ALBERTE OCHOWSKI;

Philosophiæ Doctor, Ecclesiæ Collegiatae S. ANNÆ C. ac. Archidiacone,

Zatorienfis Decane, Curate Spytkowec. Frater Patruelis piè Defuncti.

Perillustris, & Admodum Reverende Domine,

M. ALBERTE TOPINSKI,

S. Theologiæ Baccalauree, Canonice S. FLORIANI. &c.

Illustris, & Admodum Reverende Domine,

A N D R E A A R T W I N S K I,

AA. LL. & Philos. Baccalauree, Pænitentiariorum Ecclesiæ D. ANNÆ,

Senior Præfecte.

In quibus

Ille magnum in Superos cultum, benè scientijs animum excultum videns,

maximè Conscientiam illum, manus in opera pijsima

effusissimas, cernens, has Virtutes.

Ipse Virtuosisimus,

In Vobis & coluit, & amavit, Moriensq; ultimæ executioni,

Sortes suas innocentes,

Animamq; propriam, pio juvamine Vestro,

commendavit.

Vobis ille vivens secula vovit.

Vitam ergò & ipse consequatur in Visione DEI,

Æternam.



Biblioteka Jagiellońska



stdr0021942

